

四庫全書

子部

欽定四庫全書

子部

證治準繩卷五十七

詳校官太醫院恩糧臣孔毓秀

編修臣倉聖脉覆勘

總校官進士臣朱鈐

校對官學正臣郭祚熾

膳錄監生臣饒文洲

欽定四庫全書

證治準繩卷五十七

女科

調經門

赤白帶下

嚴巢氏病源論婦人有三十六疾者七癥八瘕九痛十二帶下也而帶下不顯其證今人唯知赤白二帶耳此

明 王肯堂 撰

由勞傷衝任風冷據於胞絡婦人平居血欲常多氣欲常少百疾不生或氣倍於血氣倍生寒血不化赤遂成白帶若氣平血少血少生熱血不化紅遂成赤帶寒熱交并則赤白俱下其脉右手尺浮浮為陽陽絕者無子若足冷帶下輕則漏下甚則崩中皆心不榮血肝不藏血所致其脉寸口弦而大弦則為減大則為芤減為寒芤為虛寒虛相搏其脉為革主半產漏下又尺寸脉虛者漏血漏血脉浮者不可治 產寶帶下三十六疾者

是十二癥九痛七害五傷三固謂之三十六疾也十二
癥者是所下之物一者如膏二者如青血三如紫汁四
如赤皮五如膿痂六如豆汁七如葵羹八如凝血九如
清血似水十如米泔十一如月浣十二如經度不應期
也九痛者一陰中痛二陰中淋痛三小便痛四寒冷痛
五月來時腹痛六氣滿來時足痛七汗出陰中如蟲齧
痛八脇下皮痛九腰痛七害者一害食二害氣三害冷
四害勞五害房六害姪七害睡五傷者一竅孔痛二寒

冷痛三小腹痛四臟不仁五子門不正引背痛三固者
月水閉塞不通其餘二者文缺不載而仲景所說三十
六種疾皆出子臟冷熱勞損而夾下起於陰內也

戴赤白帶羅先生法或十棗湯

方見傷寒
脇滿痛

或神佑丸

方見

雜病
痰飲

或玉燭散

即四物加
調胃承氣

皆可用之虛者不可峻攻實

者可行

血虛加減四物湯

氣虛以朮參陳皮間與

之赤屬血白屬氣主治燥濕為先

濕甚者固腸丸

方見
後

相火動者諸藥中加炒藥

滑者加龍骨赤石

脂 滯者加葵花

白者治白帶
赤者治赤帶

性燥者加黃連 寒

月少加薑附臨機應變先須斷厚味帶下與夢遺同法
治之 肥人有帶多是濕痰用海石半夏南星炒蘗青
黛蒼朮川芎 瘦人帶病少如有多是熱用炒蘗蛤粉
滑石川芎青黛樗皮 帶漏俱是胃中痰積流下滲膀胱
出於大腸小腸宜升提甚者上必用吐以提其氣下
用二陳湯加白朮蒼朮仍用九子

戴赤白帶下皆因七情內傷或下元虛冷感非一端大

率下白帶多間有下赤者並宜順氣散吞震靈丹仍佐
艾附丸或米飲調沙參末帶下不止成疔羸者四物湯
加煨牡蠣粉半錢吞固陽丸多服取效

固陽丸方見
雜病遺精門

有帶疾愈後一二月或再發半年一發先血而後下帶
來不可遏停蓄未幾又復傾瀉此名漏帶最為難治

下截之血小腹主之有因血虛而虛熱陷入小腸致小
便澀痛色白如泔或成沙粒皆不可作淋治用冷劑宜
以四物湯五苓飲各半貼和煎良婦人帶下其名有

五因經行產後風邪入胞門傳於臟腑而致之若傷足厥陰肝經色如青泥傷手少陰心經色如紅津傷手太陰肺經形如白涕傷足太陰脾經黃如爛瓜傷足少陰腎經黑如衄血人有帶脉橫於腰間如束帶之狀病生於此故名為帶 薛徐用誠先生云前證白屬氣而赤屬血東垣先生云血崩久則亡陽故白滑之物下流未必全拘於帶脉亦有濕痰流注下焦或腎肝陰淫之濕勝或因驚恐而木乘上位濁液下流或思慕為筋痿戴

人以六脉滑大有力用宣導之法此瀉其實也東垣以脉微細沉緊或洪大而虛用補陽調經乃兼責其虛也丹溪用海石南星椿根皮之類乃治其濕痰也竊謂前證皆當壯脾胃升陽氣為主佐以各經見證之藥色青者屬肝用小柴胡加山梔防風濕熱壅滯小便赤濇用龍膽瀉肝湯肝血不足或燥熱風熱用六味丸色赤者屬心用小柴胡加黃連山梔當歸思慮過傷用妙香散等藥色白者屬肺用補中益氣加山梔色黃者屬脾用

六君子加山梔柴胡不應用歸脾湯色黑者屬腎用六味丸氣血俱虛八珍湯陽氣下陷補中益氣湯濕痰下注前湯加茯苓半夏蒼朮黃檗氣虛痰飲下注四七湯送六味丸不可拘肥人多痰瘦人多火而以燥濕瀉火之藥輕治之也

潔治帶下少腹寃結而痛者先以十棗湯下之次服苦楝丸大玄胡散調之是先攻後補之法也

治結痰白帶以小胃丹半飢半飽津液下數丸候鬱積

行卻服補藥

白朮

一兩 蒼朮

半兩

紅白葵花

二錢半

白芍藥

七錢半

右蒸餅為丸空心煎四物湯下廿九

陶遵道外姑年七十形瘦善啖白帶食前薑湯吞大補丸五十九一二次午膳後及臨臥時各與小胃丹十五丸愈

子和頃頓丘一婦人病帶下連縣不絕白物或來已三載矣命予脈之診其兩手脈俱滑大而有力得六七至

常上熱口乾眩暈時嘔酢水余知其實有寒痰在胸中
以瓜蒂散吐出冷痰二三升皆酢水也間如黃涎狀如
爛膠次以漿粥養其胃氣又次用導水禹攻以瀉其下
然後以淡劑滲泄之藥利其水導不數日而愈 息城
李佐衙之妻病白帶如水竊漏中綿綿不絕臭穢之氣
不可近面黃食減已三年矣諸醫皆云積冷陽起石硫
黃薑附之藥重重燥補汚水轉多戴人斷之曰此帶濁
水本熱乘太陽經其寒水不禁固故如此也夫水自高

而趨下宜先絕其上源乃涌痰二三升次日下沃水斗餘行三遍汗出周身至明旦病人云汚已不下矣次用寒涼之劑服及半載產一男

燥劑有濕痰而弱不禁攻者燥之熱濕宜涼燥寒濕宜溫燥

楞皮丸 治赤白帶有濕熱者 芍藥五錢 良薑三錢 黃

蘗二錢各 椿根皮半兩

右為末粥丸每服三五十九空心米飲下

赤白帶因濕熱勝而下者 蒼朮鹽炒 白芍藥各一兩 枳殼

錢椿根皮炒二兩 乾薑煨二兩 地榆半兩 甘草三錢 滑石二兩炒

為末粥丸米飲下

治帶下 椿根皮二兩 神麴炒 麥皮麴炒 黃蘗炒各一兩 芍藥

一兩半 滑石 枳殼各半兩 蒼朮一兩

右為末糊丸桐子大每服五十丸空心下

固腸丸 治濕氣下利大便血白帶去脾胃陳積之後

用此以燥下濕亦不曾單用看病作湯使椿根皮為

末粥糊為丸此藥性涼而燥須炒用一方加滑石一半

治白帶因七情所傷脉數者黃連炒側柏葉酒蒸黃蘗

炒各半兩香附子醋炒白朮炒各一兩白芷燒存性木香各三錢椿

根皮二兩白芍藥一兩

右為末飯粥為丸米飲湯送下

右五方治帶椿皮例涼燥之劑濕熱盛者宜之後一方有黃連香附木香故可治七情所傷

大乳香散

治赤白帶下

草菓

一枚去皮入麝香一小塊用麵餅裹火炮

焦黃留性取出和麵用之

右為細末每服二錢陳皮飲調下重者三錢

丹帶下不止用椒目白芷 治白帶用椒目為末米飲

調服

治帶下方 右用雲母粉溫水調下三錢立見神效

伏龍肝散 治赤白帶下久患不瘥倦悴乏力六脉微

濡

椶櫚

不拘多少燒赤急以盆蓋陰冷存性

伏龍肝

於竈直下去取赤土炒令烟盡

屋

梁上懸塵

炒令烟盡出火毒

右等分研勻入腦麝各少許每服三錢溫酒或淡醋湯下

馬蹄丸

治白漏不絕

白馬蹄

禹餘糧

各四兩

龍骨

三兩烏鰂魚骨

白殭蠶

赤石脂

各二兩

右為末蜜和丸如桐子大每服十九空心酒送下不

止加三十九

又方治白帶

用白芷以石灰炒去皮蒿草少許粥糊

丸服

大白芷散 治赤白帶下 白芷 海螵蛸 胎髮

煨 二箇

一團 煨

右為細末空心溫酒調下二錢

丹赤白帶用生狗頭骨燒灰存性酒調服或入藥服

潤劑帶下久而枯涸者濡之凡大補氣血皆所以濡之
如以四物湯為末煉蜜丸梧子大空心米飲下三四十
丸以療年高婦人白帶良驗皆潤劑也以另有補劑故

止著葵花郁李仁之例於此條耳

補經固真湯 白文舉正室白帶常漏久矣服諸藥不效
胗得心胞尺脉極微其白帶流而不止叔和脉經云崩中
日久為白帶漏下多時骨水枯言崩中者始病血崩不已
久下則血少復亡其陽故白滑之物下流不止是本經血
海將枯津液復亡枯乾不能滋養筋骨以本經行經藥為
引用為使以大辛甘油膩之藥潤其枯燥而滋溢津液
以大辛熱之氣味補其陽

道生其血脉以苦寒之藥泄其肺而救其上熱傷氣
以人參補之以微苦溫之藥佐而益元氣名曰補經

固真陽

人參

二錢

橘皮

不去白半錢

乾薑

末二錢

白葵花

十六

采去
芎碎

柴胡

甘草

炙

郁李仁

去皮
炙研

生黃芩

各一錢
另剉

右除黃芩外以水三大盞煎至一盞七分再入黃芩

同煎至一盞去滓空心帶熱服候少時以早膳壓之

補真潤腸湯

治白帶下陰戶中痛控心而急痛身黃

皮緩身重如山陰中如冰

一名助陽湯

柴胡

一錢二分

良薑

二錢

白葵花

七錢

防風

郁李仁

乾薑

甘草

各一錢

陳皮

生黃芩

各五分

右為細末剉散只作一服水二盞煎至一盞去滓食

前熱服

右葵花郁李仁之滑以潤燥蓋枯涸滯著者宜之

補劑脉微食少及久病曾經攻下者俱作虛治有熱用

涼補無熱用溫補

丹治白帶

龜板

炙

枳子

各二兩

黃蘗

炒一兩

白芍藥

七錢半

乾薑

炒二錢半

香附子

山茱萸

苦參

檮皮

目

母

各半兩

右為末以酒糊為丸空心米飲下

治赤白帶

龜板

二兩塗酒炙

黃蘗

炒一兩

乾薑

炒一錢

枳子

二錢半

右為末酒糊為丸日二服每服七十九

又方治帶下脉數者

枸杞根

一斤生地黃

五兩半

右二味以水一斗煮取五升分三服

右三方治帶龜板黃蘗地黃例腎水真陰虛者宜之

丹胡安人白帶下月經甚多食少倦怠面黃經中有如血塊者有如筋膜者與參朮等補血氣調脾胃後諸證皆退惟帶未止以槗皮丸主之

方見前

右法治帶下虛而有熱者若虛而有寒脉微面白不澤無力以言者東垣補經固真湯丁香膠艾湯香桂六合湯是也

溫補白飲丸

濟生

治室女衝任虛寒帶下純白

鹿茸

酒蒸焙
二兩

白飲

狗脊

燎毛製
各一兩

右為細末艾煎醋汁打糯米糊丸如梧子大每服五十丸空心溫米飲下

當歸煎 治赤白帶下腹內疼痛不欲飲食日漸羸瘦

當歸

酒浸

赤芍藥

牡蠣

火煨取粉

熟地黄

酒蒸焙

阿膠

白芍藥

續斷

酒浸各一兩

地榆

右為末醋和丸如桐子大每服五十丸空心米飲下

韓山妻年三十餘十八胎九殞八天會先君松潘難作賤兄弟皆西奔妻驚憂過甚遂昏昏不省人事口唇舌

皆瘡或至封喉下部虛脫白帶如注如此四十餘日或至少醒至欲自縊自悲不能堪醫或投涼劑解其上則下部疾愈甚或投熱劑及以湯藥薰蒸其下則熱暈欲絕四弟還脉之始知為亡陽證也大哭曰宗嗣未立幾誤殺吾嫂急以鹽煮大附子九錢為君制以薄荷防風佐以薑桂芎歸之屬水煎入井水冷與之未盡劑鼾鼻熟睡通宵覺即能識人時止一嗣子二女相抱痛哭疎戚皆悲執友趙憲長驚曰君何術也弟曰方書有之假

對假真對真爾上乃假熱故以假冷之藥從之下乃真冷故以真熱之藥反之斯上下和而病解矣繼後主以女金丹錯綜以二三方不但去其疾且調治元氣庚午生一子今應襲也壬申生一子去年又患瘡疾十三月亦主以養元氣調生氣待飲食大進然後劫以毒藥吐下塊物甚多投以附子湯三錢而愈不責效旦暮間其用女金丹即勝金丸也得之異人倍加香附而視氣血之偏者又加薑黃條芩倍川芎之屬取效甚多予念無

子者往往有之翻思予得子之難其苦何如乃次第錄

其方併女金丹以濟人云雪翁識

女金丹方
見求子門

薛一孀婦腹脹脇痛內熱晡熱月經不調肢體痠麻不時吐痰或用清氣化痰喉間不利帶下青黃腹脇膨脹又用行氣之劑胸膈不利肢體如麻此乃鬱怒傷損肝脾朝用歸脾湯以解脾鬱生脾氣夕用加味道遙散以生肝血清肝火百餘劑而愈 一婦人久瘧兼帶發熱口乾體倦用七味白朮散加麥門五味大劑煎與恣飲

再發稍可乃用補中益氣加茯苓半夏十餘劑而愈

一婦人頭暈吐痰胸滿氣喘得食稍緩苦於白帶二十餘年矣諸藥不應此氣虛而痰飲也痰飲愈而帶自愈遂朝用六君子湯夕用六味地黃丸不月而驗 一婦人耳鳴胸痞內熱口乾喉中若有一核吞吐不利月經不調兼之帶下余以為肝脾鬱結用歸脾湯加半夏山梔升麻柴胡間以四七湯下白丸子而愈 一婦人吞酸飽滿食少便泄月經不調服清氣化痰丸兩膝漸腫

寒熱往來帶下黃白面痿體倦此胃脾俱虛濕痰下注
用補中益氣倍用參朮加茯苓半夏炮薑而愈 一婦
人帶下四肢無力余曰四肢者土也此脾胃虛弱濕痰
下注以補中益氣濟生歸脾二藥治之而愈 一婦人
帶下黃白怒則胸膈不利飲食少思或用消導利氣之
藥痰喘胸滿大便下血余曰此固脾氣虧損不能攝血
歸源用補中益氣加茯苓半夏炮薑四劑頓減又用八
珍加柴胡山梔而痊

補溫溫牡蠣散 治帶下兼經水過多或暴下片血不

限年月遠近 牡蠣 龍骨 赤石脂 肉蓯蓉 酒浸

切焙 石斛 去根 烏鰂魚骨 去甲 黃芪 剉各一兩半 牛角腮灰

阿膠 炒燥 熟地黃 焙 芍藥 炒各二兩 乾薑 炮 當歸 切 人參

白朮 桑耳 各一兩 桂 去粗皮 芎藭 附子 炮去皮臍

艾葉 炒各一兩

右為細末每服三錢平旦米飲下

茯苓散 治婦人血傷兼帶下積久不止面黃體瘦漸

成虛勞腰脚沉重胎氣多損 白茯苓去黑皮 木香

熟地黄焙 訶黎勒皮 栢子仁研各一兩 杜仲去粗皮炙 青

橘皮去白焙 烏鰂魚骨去甲 五加皮剉 艾葉燒灰 菖蒲

牛角鰓灰 秦艽去苗土 赤石脂 兔絲子酒浸另搗 當

歸切焙各一兩 右為細末每服二錢溫酒調下糯米

飲亦得或有胎息用鯉魚糯米粥下藥

卷栢丸 治婦人室女腹臟冷熱相攻心腹絞痛腰腿

疼赤白帶下面色痿黃四肢羸乏 卷栢醋炙 鹿茸醋炙

白石脂

赤石脂

各火煨醋
淬七次

芎藭

艾葉

炒醋

桑寄

生代赭石

火煨醋
淬七次

鼈甲

醋炙

當歸

去蘆酒
浸炒

地榆

各一

兩

木香

不見火

龍骨

各半兩

乾薑

炮七錢半

黃芪

去蘆蜜炙

熟地

黃

洗各一兩半

右為細末醋煮糯米糊和丸如梧桐

子大每服七十丸空心米飲送下

艾煎丸

一百

治婦人一切虛寒胎前產後赤白帶下或成

血瘕久服此藥自然融化

伏道艾

樣去塵土擇淨枝梗取葉秤五

兩先用大肥淮棗一十二兩砂瓶內煮爛去核同艾葉一處槌爛如泥稔作薄餅子猛火焙乾乘熱

急礬

大漢椒

去目枝梗及合口者淨秤五兩以阿膠二兩米醋三升同椒於砂瓶內煮

極乾取出焙乾燥礬為細末

當歸

去蘆酒浸

白芍藥

川芎

白薇

附子

大者炮去皮臍

卷栢

取青葉

澤蘭

去枝梗取葉已上各焙乾秤用

熟

地黃

如鋪上買者須淨洗漉去浮者晒乾酒浸蒸晒再入酒浸蒸五七次如糖煎香美方可用

亦焙乾秤各二兩

右末與艾椒末拌勻米醋糊丸如桐子大每服五七十丸至百九二百九空心艾醋湯下一婦人因產後虛寒嘔惡不食腹痛如割時作寒熱盜汗瘦悴骨立臍腹左

結成硬塊其大如掌冰冷雖盛暑此處獨無汗塊微動痛不可忍百藥不效夢中忽有人授以此方因服之惡心寒熱盜汗輒止盡一料遂平復獨血塊如故服至五六料其塊自化而出如魚凍

沉香牡丹丸 治婦人血海久虛經候不利赤白帶下

血氣衝心多發刺痛四肢煩困 沉香七錢半牡丹皮

心赤芍藥 吳茱萸湯泡去蘆炒當歸 桂心 川芎

黃芪去蘆蜜炙人參 茯苓 山藥 川巴戟去心白朮

橘紅 木香 乾生薑 白龍骨 牛膝

去苗酒浸

枳殼

去穢麩炒

肉苁蓉

厚朴

製各半兩

右為細末煉蜜和丸如梧桐子大每服二十九空心

溫酒下若心腹痛白芷煎酒下

紫桂丸 補益血海治衝任氣虛經脈不調腰痛腹痛

冷滯崩漏 禹餘糧

火煨醋淬七次三兩

龍骨

艾葉

當歸

吳茱萸

湯洗

香白芷

肉桂

去粗皮各一兩

附子

泡半兩

右為末麵糊為丸如桐子大每服三十九濃煎醋湯下

右為末麴糊丸如桐子大每服三十九濃煎醋湯下

濕劑固真丸

治白帶久下不止臍腹冷痛其寒捫之如

冰陰中亦然目中溜火上壅視物眊眊無所見齒皆惡熱飲痛須得黃連末擦之其痛乃止惟喜乾食大惡湯飲此病皆寒濕乘其胞內故喜乾而惡濕肝經陰火上溢走於標故上壅而目中溜火腎水侵肝而上溢故目中眊眊無所見齒惡熱飲者是少陽陽明經中伏火也當大瀉寒濕以丸藥治之故曰寒在下

焦治主宜緩大忌湯散以酒制白石脂白龍骨以枯
其濕以炮乾薑大辛熱瀉寒水以黃蘗之大寒為因
用又為鄉導治法云古者雖有重罪不絕人之後又
為之伏其所主先其所因之意又瀉齒中惡熱飲也
以柴胡為本經之使以芍藥半錢以導之又恐辛熱
之藥太甚損其肝經故微瀉之以當歸身之辛溫大
和其血脈此用藥之法備矣

白石脂

燒赤水飛研細晒乾

柴胡

各一錢

白龍骨

二錢酒煮水飛

當歸

酒洗
三錢

乾薑

炮四錢

黃檗

酒洗

白芍

各五分

右末水糊丸如雞頭子大每服三十九空心宿食消盡
煎白沸湯放溫送下無令胃中停住待少時以早饌
壓之是不令熱藥犯胃忌生冷硬物與酒濕麵

右石脂龍骨之澁以去脫蓋濕多滑脫者宜之

治婦人赤白帶下不問遠年近日並皆治之

龍骨

半兩

舶上硫黃

三錢

右為細末每服半錢空心無灰酒下

茅花散 治婦人血崩不止赤白帶下 茅花一握 棕樹

皮三寸 嫩荷葉三張 甘草節二寸

右為細末空心酒調下

山治赤白帶下舊蓮房為末入麝香空心米飲下

涼劑小腹熱痛為熱瘕以劉河間法治之

保赤者熱入小腸白者熱入大腸原其本皆濕熱結于脈故津液涌溢是為赤白帶下本不病結緣五經脈虛結熱屈滯于帶故女子臍下痛陰中綿綿而下也經曰

任脉為病男子內結七疝女子帶下瘕聚王註云任脉自胞上過帶脉貫于臍上故男子內結七疝女子帶下帶脉起于季脇章門似束帶狀今濕熱冤結不散故為病也經曰脾傳之腎名曰疝瘕小腸冤結而痛出白一名曰蠱所以為帶下冤結也冤屈也屈滯而病熱不散先以十棗湯下之後服苦楝丸大延胡散調下之熱去

濕除病自愈矣

十棗湯見前註
大延胡散見前

苦楝丸 治婦人赤白帶 苦楝

碎酒

蘘香

炒

當歸

等各

分

右為末酒糊丸每服三五十丸空心溫酒下如腰腿痛四物湯四兩加羌活防風各一兩煎湯送下

大地榆膏 治赤白帶下骨立者地榆一斤用水三升煎至一半去渣再煎如稠飭絞淨空心服三合日二服

治漏下五色 地榆三兩剉用醋一升煮十餘沸去滓稍熟食前服一合

干治婦人赤白帶下三葉酸漿草陰乾為末空心溫酒
下三錢匕

右三方治帶地榆例寒澁之劑亦濕熱盛而滑脫者
宜之按三葉酸漿草葉細如萍叢生莖端有三葉俗
又名布谷飯布谷者鳩也蓋鳩常食之故又名鳩漿
草衍義悞入苦蕒條即曰三葉酸漿草豈苦蕒即酸
漿歟苦蕒有子大如金柑味酸可食故亦名酸漿非
三葉也三葉酸漿小草布地而生葉皆三瓣惟
開黃花其莖
葉皆酸者按地榆本血分之藥而其性寒故凡

血分有熱而妄行者能止之非澀劑也

丹治赤白帶下腰痛或少腹痛有熱者 樗皮二兩 延胡

索 桃仁 側柏葉 川棟肉 懷香 當歸各半

兩 香附子八錢 官桂去粗皮 烏藥各三錢 麥皮麵一兩炒

右為末酒糊為丸每服五六十丸神效

麒麟竭湯 治婦人血傷赤白帶下小腹疼痛 麒麟

竭 黃蘗去粗皮炙 地榆各一兩 禹餘糧火煨醋淬七次 赤芍藥

炒各一兩半 熟地黃切炒四兩一作生乾地黄

右剉碎每服二錢水一盞煎至七分去滓不拘時服一方
為細末粥飲

治白崩方

棕櫚

燒灰

絲瓜

俗云魚鱖夏月人家
栽作涼棚者是也

右等分為細末空心酒調下

豆花散

治婦人白崩

右用白匾豆花焙乾為末炒米煮飲入燒鹽空心服
數次即效紫花勿用

溫劑調經補真湯冬後一月微有地泥水泮其白帶再

來陰戶中寒一服立止大進飲食 麻黃半錢不
去節 杏

仁三枚 桂枝少許 甘草炙五分 良薑一錢 黃芪七分 人參 當

歸身 白朮各五分 蒼朮二分 澤瀉一錢 羌活四分 防風二錢

柴胡四分 獨活 藁本各二分 升麻根 黃芩各五分 乾

薑三分 白葵花七朶
去萼

右除黃芩麻黃外為粗末先將水二杯煎麻黃令沸掠去沫入餘藥同煎二杯又再入生黃芩煎至一杯去滓稍熱空心服之一時許可食早膳

本治婦人月經不調每行數日不止兼有白帶漸漸瘦

悴飲食少味累年無子地黃丸 熟地黃二兩 山茱萸

白蕪荑 乾姜 白芍藥微炒 代赭石醋淬各厚

朴 白僵蠶各半兩

右細末煉蜜丸如桐子大每服四五十丸空心酒下
日三服此龐老方婦人有白帶是第一等病令人不
產育宜急治之此扁鵲過邯鄲聞貴婦人所以專為
帶下醫也

垣桂附湯 治白帶腥臭多悲不樂大寒 肉桂一錢附

子黃蘗知母各五分

右粗末作一服水煎食遠熱服 如少食常飽有時腹

脹加白芍藥半錢 如不思飲食加五味子二十箇 如

煩惱面上麻木如蟲行乃胃中元氣極虛加黃芪一人錢

參七分甘草二分升麻半錢

海香附六合湯治赤白帶下 即四物加懷香桂也

治赤白帶下年月深久不瘥 白芍藥二兩乾姜半兩

右各炒黃色同為末空心米飲調下二錢日二服

二豆散 治耳鳴心躁腰脚疼重腹內虛鳴臍下虛冷

頻下白水如疳湛濁證 白豆蔻 肉豆蔻 丁香

白茯苓 巴戟 丁皮 蒼朮 黑附子

火煨桂

心各一兩 人參 白朮 山藥 桔梗 懷香 粉

草各半兩

右每服三錢生薑三片紫蘇三片煎七分空心溫服

鶴頂丸 治帶下之證有三未嫁之女月經初下止而

即得或浴之以冷水或熱而扇或當風此室女病帶
下之由有家之婦陰陽過多即傷胞絡風邪乘虛而
入胞經觸冷遂使穢液與血水相連而下之產後帶
下由亡血失氣傷動包絡門開而外風襲肌體虛而
冷風入冷風與熱氣相連故成液而下冷則多白而
熱則多赤冷熱相交赤白俱下 當歸 七錢半 酒浸 附子

半兩炮
去皮

龍骨

鹽泥煨

吳茱萸

湯泡
去涎

赤石脂

火煨
醋淬

乾薑

炮各一
兩半

牡蠣

鹽泥煨

艾葉

一兩以醋半
盞煮乾為末

右為細末醋糊和丸如梧子大以赤石脂末為衣每服五十丸空心用艾葉鹽湯烏梅煎湯下

濟生白堊丸 治婦人白帶久而不止腰膝冷痛日漸羸困

白堊

煨

禹餘糧

鼈甲

烏鰂魚骨

各用醋淬及炙

當歸

酒浸

鵲巢灰

乾薑

紫石英

醋煨淬七次

附子

炮

狗脊

淨制

川芎

鹿茸

醋炙各一兩

香附子

醋煮二兩以上並為末

用醋煮糯米糊為丸如梧桐子大每服七十丸溫酒下

養氣活血丹

治勞傷衝任赤白帶下

大艾葉

炒焦取末

五乾薑

炒末二兩半

上二味用醋二升無灰酒二升

生薑自然汁二升將薑艾末調於銀器內用慢火熬

成膏附子白芍藥白朮橘紅川芎當

歸巴戟

去心糯米炒

人參五味子

各二兩

右為細末入前膏內并炒熱熟白麵二兩半和為劑

杵千下丸如梧子大每服五十九溫酒或米飲下

茱萸浴湯治下焦虛冷臍腹痛帶下五色月水崩

漏淋瀝不斷

吳茱萸

湯泡

杜仲

炒去絲

蛇床子

五味

子 丁皮

各一兩

木香 丁香

各五錢

右剉如麻豆大每用半兩以生絹袋盛水三大碗煎數沸乘熱薰下部通手淋浴早晚二次薰洗

垣坐藥龍鹽膏

丁香

木香

川烏頭

炮各一錢半

全蝎

五枝

龍骨

當歸尾

懷香

沙黃鹽

酒防已

肉桂

紅豆

各二錢

玄胡索

五錢

厚朴

三錢

良薑

木通

各一錢

枯礬

半錢

右為末煉蜜丸彈子大綿裹留絲在外納陰戶內

又方勝陰丹為上藥力小再取三錢內加行性熱藥 三柰

子 川烏頭

大椒

各五分

柴胡

羌活

各二錢

全蝎

三箇

大蒜

一錢 破故紙

與蒜同焙一錢

甘松

三分

升麻

枯白礬

各二分

麝香

少許

右為細末同前法用制

又方回陽丹 全蝎

升麻

甘松

各二分

草烏頭

羌活

各三分

大

椒 三柰子

萆撥

枯礬

各五分

川烏頭

柴胡

各七分

水蛭

三條 皂虫

三箇去翅足炒

大蒜

破故紙

各二錢

炒黃鹽

一錢必用之藥去之則不效

右為極細末依前制如指尖大用綿裹納陰戶中覺

臍下煖為效

酒煮當歸丸治癰瘰白帶下疰脚氣腰已下如在冰雪中以
火焙炕重厚綿衣蓋上猶冷不任寒之極也面白如枯魚
之象肌如刀削瘦之速也小便不止與白帶長流而不禁
固自不知覺面白目青藍如菜色目眈眈無所見身重
如山行步艱側不能安地腿膝枯細大便秘結口不能言
無力之極食不下心下痞煩心懊懣不任其苦面停垢背
惡寒小便遺而不知此上中下三陽真氣俱竭故噦嘔不

止胃寒之極也其脉沉厥緊而澀按之空虛若脈洪大而澀按之無力猶為中寒之證況按之空虛者乎按之不鼓是為陰寒之極也其空虛乃氣血俱虛之極也 當歸兩

懷香

半兩

黑附子

炮去皮

良薑

各七錢

右四味剉如麻

豆大以好酒一升半同煎煮至酒盡為度炭火焙乾同

為極細末入 炒黃鹽

丁香

各半兩

全蝎

三錢

柴胡

二錢

升麻根

木香

各一錢

苦楝子

甘草

炙各半錢

玄胡索

四錢

右與前四味藥末同為細末酒煮麵糊為丸

如桐子大每服二十九空心宿食消盡淡醋湯下忌
油膩冷物酒麵

當歸附子湯

治臍下冷痛赤白帶下

柴胡

七分

良薑

乾薑

附子

各一錢

升麻

蝎稍

各五分

甘草

炙六分

炒

黃鹽

三分

當歸

二錢

黃蘗

少許

右件並為粗末用五錢水二盃煎至一盃去滓熱服
為丸亦得右炒鹽側東垣回陽丹註云必用炒黃鹽
無則不效蓋寒疝之要藥也

排膿治帶下并腸有敗膿淋露不已腥穢殊甚遂至臍腹更增冷痛此蓋敗膿血所致卒無已期須以此排膿白芷一兩單葉紅蜀葵根二兩白芍藥白礬各半兩礬燒枯另研餘為末同以蠟丸如桐子大空肚及飯前米飲下十丸或十五丸候膿盡仍別以補藥佐之

大伏龍肝散 治婦人赤白帶下久不瘥肌瘦瘁黃有人經年崩漏不止諸藥不效脉濡微與此伏龍肝散兼白礬丸服之愈方見前

白礬丸

白礬

四兩附子

二兩

黃狗骨頭

四兩燒灰並為末

丸如桐子大每服三十丸

消瘀血仲問曰婦人年五十所病下利數十日不止暮即發熱少腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之

溫經湯

吳茱萸

三兩

當歸

芍藥

芎藭

為藥

人參

桂

枝

阿膠

牡丹皮

生薑

甘草

各二兩

半夏

半升

麥門冬

升一

右十二味以水一斗煮取三升分溫三服 亦主婦
人少腹寒久不受胎兼取崩中去血或月水來過多
及至期不來

丹治赤白帶用五靈脂半生半熟為末酒調服

益母散 治帶下赤白惡露下不止益母草開花時採
搗為細末空心溫酒下二錢日三服

香礬散神效

○方見崩中血見黑止條
○即醋炒香附灰也

丹赤白帶皆屬於血有出於大小腸之分黃荊子炒焦
為末米飲調服

大治帶下用芍藥炒黑為末每服三錢匕調酒下

治婦人赤白帶下不問年月深遠目漸羸瘦起止不得

用刺薊根

不以多少曝乾秤每一斤以童子
小便五升浸一伏時取出晒乾

右為細末每服二錢食前暖酒調下

玳瑁丸 治赤白帶下不止 玳瑁 續斷 各一兩 安息

香 麒麟竭 乳香 沒藥 各半兩 故錦灰 七錢半

右為細末以蜜及安息香熬和藥末丸如菉豆大每服二十九食前溫送下

室女帶下產寶第十四問未出女子有三病何也答曰女子一病者經水初下陰中熱或當風臥或扇風二病者太衝脉盛氣盛則內熱以冷水洗之三病者或見丹下驚怖者若三者一有所受後必有帶下之證也

神仙聚寶丹 治婦人血海虛寒外乘風冷搏結不散積聚成塊或成堅瘕及血氣攻注腹脇疼痛小便急

脹或虛鳴嘔吐涎沫頭旋眼花腿膝重痛面色痿黃
肢體浮腫月候欲行先若重病或多或少帶下赤白
崩漏不止驚怖健忘小便頻數或白時見虛熱盜汗
羸瘦此藥不問胎前產後室女並皆治之常服安心

去邪逐敗血養新血令有子

木香

另研

琥珀

另研

當歸

焙作末

沒藥

合末各一兩

滴乳

二錢半研

麝香

研

辰砂

研各一錢

右為末滴冷熱杵為丸每一兩作十五丸每服一九
溫酒磨下胎息不順腹內疼痛一切產難酒和童便

磨下 產後血暈敗血奔心口噤舌強或惡露未盡
發渴面浮煎烏梅湯和童便磨下室女月候不調溫
酒磨下半丸產後血氣不調童便磨下不拘時服

崔氏四花穴治赤白帶如神

取穴法見前

玉赤白帶 中極

二寸半赤
瀉白補

白環俞

一寸半瀉六
吸補一吸

撮又法 中極

白環俞

各十
五壯

腎俞

二寸半灸
隨年壯

集又法 氣海

中極

白環俞

不效取
後穴

三陽交

補
多

瀉少灸
七壯

三陰交

東又法

榮池

三分灸三十壯在內踝前後兩邊池中脈一名陰陽穴

又法

陰

陽

在足拇指下屈裏表頭白肉際是也

又法

三陰交

五分灸

交儀

二寸灸

漏陰

在內踝下五分微有動脉是穴刺入一分灸三十壯

桑赤帶

心衝如下赤帶不已漸漸如蠱亦用此法

氣海

六分灸

中極

委

中

各五分

白帶

心衝如下白帶不已漸漸如蠱亦用此法

曲骨

承陰

各七分

分

中極

在兩傍柱骨下六分

心婦人得子多變成白水淋漓而下經久身面虛腫陰

谷

二寸半

絕骨

二寸半

如喘滿

魚際透大淵

左右共四十九呼治

肺經水
氣極妙

海帶病太陰主之灸章門穴麥粒大各三壯效

甲婦人下赤白沃後陰中乾痛惡合陰陽少腹臍堅小便閉曲骨主之 女子赤白帶腰膕主之 女子赤淫大赫主之 女子絕子陰挺出不禁白瀝上竅主之

女子赤白瀝心下積脹次竅主之 女子赤淫時白氣瘕月事少中竅主之 女子下蒼汁不禁赤瀝陰中痒痛引少腹控眇不可俯仰下竅主之 女子疝少腹腫

赤白淫時多時少蠱溝主之 月事不利見赤白而有
身及前陰寒行間主之 女子疝及少腹腫澹泄癰遺
溺陰痛面塵黑目下皆痛太衝主之 女子俠臍疝中
封主之 女子疝瘕按之如以湯沃兩股中小腹腫陰
挺出痛經水來下陰中腫或癢澼清汁若葵羹血閉曲
泉主之 婦人下赤白裏急瘕瘕五樞主之

素腎脉小急肝脉小急心脉小急不鼓皆為瘕

大奇論
王註

云小急為寒甚不鼓則血不流血
不流而寒薄故血內凝而為瘕也

三陽急為瘕三陰急為疝

王註云太陽受寒血聚為瘕太陰受寒血聚為疝

脉急者曰疝瘕少腹痛

平人氣象論

脉師曰婦人帶下六極之病脉浮則為腸鳴腹滿緊則

為腹中痛數則為陰中瘡痛則生瘡弦則陰疼掣痛

婦人帶下脉浮惡寒者不治

胎前白帶丹治有孕白帶

蒼朮

三錢

山茱萸

去核

白芍藥

各二錢半

黃芩

炒

白芷

各二錢

槲根皮

炒

黃連

炒

黃蘗

各

一錢半

右為末糊丸空心溫酒下五十丸

白濁白淫

大婦人小便白濁白淫者皆由心腎不交養水火不引降或因勞傷於腎腎氣虛冷故也腎主水而開竅在陰陰為溲便之道胞冷腎損故有白濁白淫宜服局方金

鎖正元丹

雜病遺精

或因心虛而得者宜服平補鎮心丹

雜病

驚

降心丹威喜丸

雜病遺精

若因思慮過當致使陰陽不分

清濁相干而成白濁者然思則傷脾故也宜用四七湯

雜病

吞白丸子

雜病中風

此藥極能分利更宜小烏沉湯

雜病

鼻衄

每貼加茯苓一錢重者益智二十枚去殼碾鹽煎服

薛前證若元氣下陷用補中益氣湯脾胃虧損六君

加升麻柴胡脾經鬱結歸脾加黃檗山梔肝經怒火龍
膽瀉肝湯虛則用加味道遙散宜與帶下參看主治

一婦人善怒或小腹痞悶或寒熱往來或小便頻數時
下白淫藥久不愈面青口苦余以為積憤而不能發散
所致用龍膽瀉肝湯而愈用加味道遙散八珍湯而安

姜黃散 治血臟久冷腹脹疼痛小便濃白如泔

姜黃

二兩附子

泡一兩

柳桂

赤芍藥

紅藍子

三稜

各半兩

木香

牡丹皮

芫花

酒浸炒

郁李仁

去皮

沒藥

各二錢半

右為細末每服一錢酒煎服如腹痛用當歸沒藥為末以水七分酒三分同煎熱服

內金鹿茸丸

治婦人勞傷血脉胞絡受寒小便白濁日

夜無度臍腹疼痛腰膝無力 雞內金 鹿茸 黃芪

肉蓯蓉 五味子 遠志肉 牡蠣 桑螵蛸

龍骨 附子

各等分

右蜜和九如梧子大每服五十九食前溫酒或米飲下

二豆散 治耳鳴心躁腰脚疼重腹內虛鳴臍下冷痛頻下

白水如泔名湛濁證

方見前赤白帶下

烏金散 治身熱口躁氣塊築痛下黃水如葵汁 百草

霜炒紫金皮

米泔浸
煮炒黃粉草
炙各等分

右為末每服二錢艾湯或醋湯空心調下 心嘈豬血

入鹽酒下白帶用鯉魚一尾去腸不去鱗將油髮一團

入魚肚內黃泥固濟炭內煨存性去泥研魚為末每用
一錢以陳酒調同前藥服

四七湯煎成送下青州白丸子常服最効

加味四七湯 治婦女小便不順甚者陰戶疼痛 半

夏湯洗七次一兩厚朴薑汁製赤茯苓 香附子炒各五錢紫蘇

甘草各二錢

右分四貼每服薑五片水煎加琥珀末一錢調服

鎮精丸 治小便白濁 破故紙炒青鹽 白茯苓

五味子

各等分

右為末酒糊丸空心鹽湯或酒下

固精丸 治下虛胞寒小便白濁或如泔或如凝脂腰重

牡蠣

煨粉

兔絲子

酒蒸焙

韭子

炒

龍骨

五味子

白

茯苓

桑螵蛸

酒炙


白石脂

各等分

右為末酒糊丸如桐子大每服七十丸空心鹽湯下

治婦人久積虛勞小便白濁滑數不禁

右用鹿茸屑炒黃為細末每服二錢空心溫酒調下
又方 用雞胗炙為末空心酒調服二錢



證治準繩卷五十七

欽定四庫全書

子部

證治準繩卷五十八

詳校官太醫院恩糧臣孔毓秀

編修臣倉聖脈覆勘

總校官進士臣朱 鈐

校對官中書臣吳 俊

謄錄監生臣王廷樞

欽定四庫全書

證治準繩卷五十八

女科

雜症門

虛勞

勞倦所傷用補中益氣湯證治乃暴病也失治而有發熱潮熱盜汗欬嗽諸症出焉謂之虛勞又復失治而有

明 王肯堂 撰

皮聚毛落飲食不為肌膚骨髓中熱經閉不行諸症出焉謂之瘵骨蒸熱至於傳尸之疾別自一種其源不起於勞飢其流或至於滅門余於雜病首冊則既條分而條列矣然男以精為主女以血為主其致病既殊其施治亦異故應別著方法而陳氏良方分勞瘵骨蒸勞血風勞氣虛風勞冷勞熱勞客熱等門未免惑亂後人靡所適從今釐正如左醫者更參雜症虛勞傳尸勞二門而用之則無道少之患矣

初病大法保治婦人虛勞局方中謂首尾六合如大聖散熟地黃丸是治無熱虛勞也中道藥牡丹煎丸空心食前人參荊芥散臨臥食後是治有熱虛勞也戴有病後血虛者有本體血虛者其人往來寒熱或五心發熱言語無力面色痿黃頭目昏暈變生諸疾芎歸湯加羊肉少許或十全大補湯四物湯養榮湯服之血虛而氣旺者宜抑氣湯即香附末

增損四物湯

易簡方

治婦人氣血不足四支情怠乏力

少氣兼治產後下血過多榮衛虛損陰陽不和乍寒乍熱

當歸 川芎 人參 乾薑炮 甘草炙 白芍藥各等分

右咬咀每服四錢水一盞煎至六分去滓熱服

六神湯御藥院方 治脾氣不和榮衛不足怠惰困倦不嗜

飲食服之補養真氣進美飲食充澤肌膚

當歸 熟地黄 白芍藥 川芎 黃耆 地骨皮各等分

右為麤末每服五錢水一盞半煎至八分去滓空心

溫服

加減大建中湯

普濟

治婦人胎前產後一切虛損月水

不調臍腹疔痛往來寒熱自汗口乾煩渴

芍藥

二兩

當歸

川芎

黃耆

桂

各一兩

甘草

炙

白朮

各七錢半

右研為末每服二錢半水一盞半薑棗煎六分去滓

溫服食前

清氣湯

普濟

治肌熱骨瘦者陰衰陽盛也是氣弱而血

熱則外蒸肌肉內蒸骨髓煩渴口乾頰赤頭痛飲食

無味心神驚悸肢體痠疼或時盜汗或時欬或月
家斷絕或經極少俗謂血勞產後曰蓐勞及羸瘦之
人與清氣湯羊乳丸治之

紫蘓子 五味子 大腹子 枳殼 桑白皮

微炒

菖蒲

地骨皮 白朮 柴胡 秦朮 獨活 乾葛 甘草

炙各等分

右㕮咀每服五錢水一盞入紫蘓七片烏梅一箇煎
至七分溫服

黃耆散

一名防風湯

治勞氣食後身痛倦夜間盜汗此因

失血榮衛損也

黃芪

一兩

白芍藥

防風

當歸

乾地黄

各七錢五分

甘草

半兩

右咬咀每服五錢水一盞薑三片棗一枚煎至七分去滓溫服食前

四白散 治男子婦人血虛發熱夜多盜汗不進飲食四肢羸瘦骨節拘攣脚痛不能行

黃耆 厚朴 益智仁 藿香 白朮 白扁豆 陳皮

各一兩 半夏 白茯苓 人參 白豆蔻仁 天台烏藥

甘草

各半兩

京南芍藥

檀香

沈香

各一兩

右為細末每服四錢水一盞薑三片棗一箇煎至七

分溫服

桔梗飲子

大全良方

治心氣不足解勞倦益血

黃芪

人參

麥門冬

苦梗

甘草

各一兩

青皮

半兩

右為末每服三錢水一盞煎至七分溫服

如聖散

大全良方

治婦人所稟血氣不足不耐寒暑易冒

疾傷月水不調久而心虛狀若心勞四肢倦怠筋骨

少力盜汗易驚或時不寧五心煩熱肌膚不長間作
頭昏飲食無味胸膈不利或產前產後受病並可服之

北柴胡 白茯苓 甘草 熟地黃 人參

當歸

各一兩

鼈甲

胡黃連

沉香

知母

各半兩

寄生

乾葛

各七錢半

右為細末每服二錢水一盞烏梅一箇棗二枚麥門
冬數粒煎至八分服無時

劫勞散 治心腎俱虛勞嗽二三聲無痰遇夜發熱熱

過即冷時有盜汗四肢倦怠體劣黃瘦飲食減少夜臥恍惚神氣不寧睡多異夢此藥能治微嗽有唾唾中有紅線名曰肺痿失治便成羸劣之疾

白芍藥

六兩

綿黃耆

蜜炙四兩

甘草

炙

人參

去蘆

當歸

去蘆酒洗

半夏

白茯苓

去皮

熟地黄

洗淨焙乾

五味子

阿膠

各二兩炒

右咬咀每服三錢水一盞薑七片棗三枚煎至九分

溫服無時日三

筒骨煎

大全良方

治諸虛症羸瘦乏力腰背引痛心煩喘嗽唾

膿嘔血頑涎壅盛睡臥有妨胸滿氣促夜多盜汗髮焦耳鳴皮寒骨熱一切五勞七傷骨蒸等候並皆療治

地骨皮 粉草 北柴胡 前胡 烏藥 麻

黃節 不去 乾葛 青蒿 苦梗 知母 天仙藤

條黃芩各一雨 人參 生乾地黃 秦朮 鼈甲

黃耆各半雨

右咬咀每服三錢水一盞酒一分豬筒骨一莖炙焦分為四服桃柳枝各七寸杏仁五粒去皮尖搥碎煎

至七分去滓溫服加烏梅半箇尤妙

一方加當歸芍藥

滋血湯 治婦人經候不通或血聚肢體麻木肌熱身

重倦怠少力將成勞瘵不可妄行破血宜滋養潤利

閉見經

補中丸

余居士選方

治婦人虛損諸疾

白朮

地黃

各一兩

川芎

白芍藥

當歸

黃芪

人參

陳皮

各半兩

右為細末煉蜜丸如梧桐子大每服五七十九溫水下

溫中丸

普濟

治衝任虛損血氣虧傷月水斷續來不應

期或多或少腹中疼痛不時寒熱煩壅咽燥舌乾心神悚悸頭目眩暈肢體倦怠腰背引痛筋脈拘急帶下赤白飲食進退或發寒熱

生地黄 生薑

二味各一斤切碎各研取汁將薑汁炒地黃滓却將地黃汁炒

生薑

白芍藥

二兩

人參

去蘆

蒲黃

炒

當歸

酒洗

琥珀

另研

白

茯苓

去皮

黃耆

蜜炙

延胡索

炒

麥門冬

去心

烏梅肉

焙

各兩

右為末別用白艾葉一觔水一斗煎取濃汁熬成膏
和前藥丸如梧桐子大每服五十丸溫米飲下空心
食前

人參丸

十便良方

養陰生血補虛

人參

鹿角膠

炒

熟地黃

芍藥

當歸

白朮

川芎

各等分

右為末煉蜜丸如梧桐子大每服三十丸空心米飲下
秘方十補丸 治婦人諸虛百損榮衛不調形體羸瘦

面黃背倦口苦舌乾心悸多汗血衰氣盛寒熱往來一

切血崩帶下墮胎落孕此藥皆治孕婦服之尤有神效

熟乾地黄

洗淨酒浸蒸過焙乾秤重四兩

肉苁蓉

酒浸焙乾

人參

綿黃耆

去蘆蜜炙

川芎

當歸

去蘆酒浸焙

白芍藥

洗

白朮

苓白朮

去蘆洗淨炒各二兩

甘草

炙半兩

肉桂

一兩去皮

右為細末用好酒調山藥末打糊為丸如梧桐子大每服六七十丸食前米湯或溫酒下

五聖丸

調益榮衛滋養氣血治衝任虛損月水不調

臍腹疝痛崩中漏下血瘕塊硬發渴疼痛妊娠宿冷
將理失宜胎動不安血下不止及產後乘虛風寒內
搏惡露不下結生瘕聚小腹堅痛時作寒熱

當歸

川芎

白芍藥

熟乾地黄

各一兩

生乾地黄

二兩

右為細末酒煮麵糊為丸如梧桐子大每服六七十
丸食前溫酒下

七補丸

十便良方

治婦人氣血虛弱衝任不和腹中經結

狀若懷孕月候尚來未分經脈宜服此方

當歸

芍藥

川芎

各三分

白芷

白朮

熟地黃

阿膠

炒各二分

右為細末煉蜜丸如梧桐子大每服五六十丸空心

米飲下

羊乳丸

治虛勞羸瘦

秦艽

柴胡

地骨皮

山萸肉

黃耆

蜜炙地黃

酒浸蒸過各等分

右為末煉蜜丸如梧桐子大每五十九煎人參湯下

不拘時候日進三服

人參鼈甲丸

普濟

治婦人一切虛損肌肉瘦瘠盜汗心

忪嗽嗽上氣經脈不調或作寒熱不思飲食

杏仁

湯浸去皮尖炒

人參

當歸

赤芍

甘草

炙

柴胡

桔梗

去蘆各一兩

地骨皮

宣黃連

去鬚

胡黃連

各七錢半

肉桂

去皮

木香

各半兩

麝香

另研半錢

鼈甲

一枚重二兩者醋炙黃色

右為細末用青蒿一觔研爛絞汁童便五升酒五升同熬至二升次入真酥三兩白沙蜜三兩再熬成膏冷方下衆藥末搜和令勻丸如梧子大每服五十九丸溫酒送下無時

艾煎丸

東垣

治婦人諸虛

北艾葉

大當歸

各二兩

香附子

四兩

右醋煮半日焙乾為末再用醋煮糊丸艾醋湯下

芪味丸

東垣

補虛敗

黃耆

四兩鹽水浸火炙

北五味

二兩

右為末秫米糊丸空心鹽酒下

無熱虛勞大婦人冷勞屬血氣不足臟腑虛寒以致臍下冷痛手足時寒月經失常飲食不消或時嘔吐惡寒

發熱骨節痠痛肌膚羸瘦面色痿黃也 薛前證有內
外真寒然有內外真熱亦有內真熱而外假寒者又有
內真寒而外假熱者若飲食難化大便不實腸鳴腹痛
飲食畏寒手足逆冷面黃嘔吐畏見風寒此內外真寒
之證也宜用附子理中湯以回陽八味地黃丸以壯火
若飲食如常大便堅實胸腹痞脹飲食喜冷手足煩熱
面赤嘔吐不畏風寒此內外真熱之證也宜用黃連解
毒湯以消陰六味丸以壯水若飲食如常大便堅實胸

腹痞脹飲食喜寒手足逆冷面黃嘔吐畏見風寒此內
真熱而外假寒也亦用解毒湯六味丸若飲食少思大
便不實吞酸噯氣胸腹痞滿手足逆冷面赤嘔吐畏見
風寒此內真寒而外假熱也亦用附子理中湯與八味
丸當求其屬而治之經曰益火之源以消陰翳壯水之
主以制陽光使不知真水火之不足泛以寒熱藥治之
則舊疾未去新病復生矣夫所謂屬者猶主也謂心腎
也求其屬也者求水火不足而求之於心腎也火之源者

陽氣之根即心是也水之主者陰氣之根即腎是也非謂火為心原為肝水為腎主為肺也 一婦食少作嘔口吐痰涎面黃腹痛月經不調手足逆冷此內外俱寒之證以六君加附子木香治之而瘳 一婦忽嘔吐酸水內熱作渴飲食不進惟喜冷水面色青赤投之以藥入口即吐此內外真熱之證積十餘日以黃連一味煎湯飲之徐加白朮茯苓仍加陳皮當歸炙甘草至月餘始進米飲稀粥調理而瘳 一婦內熱作渴大便秘結

畏惡風寒手足逆冷此內真熱而外假寒先用黃連解毒湯後用六味丸而瘡 一婦初患痰喘熱渴醫以降火散氣治之肌日削而氣日索延至甲辰木旺痰盛身熱口腐腹脹神昏絕食幾死此虛熱無火投以壯水生土之劑隨服隨效越數歲夏初坐則頭墜不能起視卧則背冷覺風透體煩熱暈眩咳嘔痰湧手足麻冷此內真寒外假熱之證也遂以大補薑附之劑投之不三四服而大熱已平仍以前藥加減而瘡 韓懋治其嫂年

三十餘十八胎九殞八夭會家難作驚憂過甚遂昏
昏不省人事口唇舌皆瘡或至封喉下部虛脫白帶如
注如此四十餘日或時少甦至欲自縊悲不能堪醫或
投涼劑解其上則下部疾愈甚或投熱劑及以湯藥熏
蒸其下則熱暈欲絕此亡陽證也急以鹽煮大附子九
錢為君制以薄荷防風佐以薑桂芎歸之屬水煎入井
冰冷與之未盡劑甦睡通宵覺即能識人或曰此何謂
也曰方書有之假對假真對真爾上乃假熱故以假冷

之藥從之下乃真冷故以真熱之藥反之斯上下和而病解矣繼以女金丹錯綜以三二方不但去其疾且調治元氣無何連生二子

以上論及治驗有無當於產勞者而實治寒熱變通之大法不

可不察也

局大聖散 治婦人血海虛冷久無子息及產後敗血

衝心中風口噤子死腹中擘開口灌藥須臾生下便得無碍治墮胎腹中攻劇疼痛橫生逆產胎衣不下血運血癖血滯血崩血入四肢應血藏有患及諸種

風氣或傷寒吐逆欬嗽寒熱往來遍身生瘡頭痛惡
心經脈不調赤白帶下乳生惡氣胎藏虛冷數曾墮
胎崩中不定因此成疾室女經脈不通並宜服之常
服煖子宮和血氣悅顏色退風冷消除萬病兼療丈
夫五勞七傷等病

澤蘭葉

石膏

研各二兩

卷栢

去根

白茯苓

去皮

防風

去蘆

厚朴

去麤

皮薑汁炙

細辛去苗

栢子仁

微炒

桔梗

吳茱萸

湯洗七次焙

五

炒各一兩

白芷

味子

揀淨

人參

藁本

去苗

乾薑

炮

川椒

去目閉口者

微炒出汗

白芷

白朮

黃耆

去苗

川烏

炮去皮臍

丹參

各三分

蕪荑

微炒赤

甘

草

炙

川芎

芍藥

當歸

各三分

白薇

阿膠

碎炒

燥各半兩

肉桂

一兩一分

生乾地黃

一兩半

右為細末每服二錢空心臨卧熱酒調下若急疾有患不拘時候日服三

渾身碎痛飲子治婦人勞倦

虎骨

五錢

防風

藁本

甘草

白芷

茯苓

各二錢

當歸

芍藥

續斷

白朮

附子

各二錢

右為粗末薑棗煎服不拘時

十全大補湯

治婦人冷勞最妙

方見雜病虛勞

當歸木香湯

治婦人血氣虛勞令人頭目昏眩語聲

沈重舌根强硬言語蹇澀口苦不食白日困倦夜有

虛汗神思恍惚夢寢驚悸面色痿黃頻發喘嗽遍身

疼痛脚氣走注四肢沈重背胛拘急時發寒熱五心

煩躁唇乾多渴胸膈不利咽喉噎蹇疔羸瘦弱經曰

大脈為勞宜服

當歸 青皮 五加皮 海桐皮 陳皮 丁皮

桑白皮 地骨皮 牡丹皮 棕櫚皮

燒存性
各一兩

赤芍藥

木香

各半
兩

右為末每服一錢水一盞入香油一二點古錢一文
洗同煎至七分不拘時溫服

熟乾地黄丸

方見前
通治門

木香丸 治婦人冷勞經脈不調臟腑氣滯四肢疼痛

飲食無味漸加羸瘦

木香 琥珀 吳茱萸炮 當歸 牡丹皮 赤芍

藥 三稜 附子炮 延胡索 川芎各三分 乾薑

人參 桂心各半兩 北柴胡 白朮 鼈甲醋炙去

厚朴 熟地黄 陳橘皮各一兩

右為末煉蜜丸如梧子大每服三十九空心溫酒下

煮肝散 治婦人冷勞脾胃虛乏大腸轉洩水穀不化

四肢羸瘦口内生瘡不思飲食漸加無力

北柴胡 宿砂仁 蔞蘿 葶撥各三分 白朮 白

芷胡椒 白薑 陳皮 山茵陳 人參 蕪荑

仁 木香 紫苑 白芍藥 北細辛 桂心

各半兩

右為細末以豬豬肝一具去脂膜切如柳葉片以新汲水洗過入葱白三寸細切入藥末半兩於鉢內以新水二大酸入鹽醋少許以瓦碗合煮令水盡空心以意食之喫前飲下食後良久飲煖酒一盞為妙晚食前熱服

礪砂煎丸

治婦人冷勞心腹積聚腹脇疼痛四肢羸瘦不食

鼈甲

醋炙

桃仁

去皮尖
麴炒

木香

五靈脂

去土
石炒

當歸

各一

兩

礪砂

二兩醋一升煎成膏

右為細末用礪砂膏為丸如梧桐子大空心溫酒下

二十九

此方礪砂太多不宜輕用

有熱虛勞大婦人熱勞由心肺壅熱傷於氣血以致心神煩躁頰赤頭疼眼澀唇乾口舌生瘡神思昏倦四肢壯熱飲食無味肢體痠疼心悸盜汗肌膚日瘦或寒熱往來當審其所因調補氣血其病自瘳矣 薛前證乃壯火食氣虛火煎熬真陰之所致也王太僕云如大寒

而甚熱之不熱是無火也熱來復去晝見夜伏夜發晝止是無火也當治其心如大熱而甚寒之不寒是無水也熱動復止倏忽往來時動時止是無水也當助其腎心盛則生熱腎盛則生寒腎虛則寒動於中心虛則熱收於內竊謂前證若肝脾血虛用四物參朮肝脾鬱怒小柴胡合四物湯脾胃氣虛補中益氣湯肝脾血虛加味逍遙散肝經風熱加味小柴胡湯心經血虛天王補心丹肺經氣虛人參補肺湯肝經血虛加味四物湯大

抵午前熱屬氣分用清心蓮子飲

方見雜病
赤白濁

午後熱屬

血分用四物湯參朮牡丹皮熱從左邊起肝火也實則
四物湯龍膽山梔虛則四物參朮黃耆熱從臍下起陰
火也四物參朮黃蘗知母酒拌炒黑五味子麥門冬肉
桂如不應急用加減八味丸不時而熱或無定處或從
脚心起此無根虛火也用加減八味丸及十全大補湯
加麥門五味主之一婦經行不調飲食少思日晡熱
甚此肝脾氣血俱虛用十全大補加山茱萸山藥牡丹

皮麥門五味而瘡次年秋寒熱如瘡仍用前藥而瘡
一婦生育多胎月經不調兩足發熱年餘其身亦熱勞
則足痠痛又年許唇腫裂痛又半年唇裂見血形體瘦
倦飲食無味月水不行此氣血俱衰之證彼誤用通經
丸等藥復傷氣血遂致不起

黃耆散

聖惠

治婦人熱勞羸瘦四肢煩疼心躁口乾不

欲飲食

人參 黃芩

當歸

各七錢半

北柴胡

去皮兩半

黃耆 地骨皮

赤茯苓

麥冬

去心

生地黃

赤芍藥

各一兩

甘草

炙一錢半

右㕮咀每服四錢水一盞薑五片煎六分去滓溫服

無時

逍遙散

集成

治血虛勞倦五心煩熱肢體疼痛頭目昏

重心悸煩赤口燥咽乾發熱盜汗減食嗜臥及血熱

相傳月水不調臍腹脹痛寒熱如瘧又主室女血弱

陰虛榮衛不和痰嗽潮熱肢體羸瘦漸成骨蒸

白茯苓

白朮

去蘆

白芍藥

當歸

去蘆

酒浸半日微炒

北柴胡

去苗各
甘草 炙一
兩半

右剉散每服三錢水一盞半薑三片麥門冬二十粒
去心煎服不拘時候 一方加知母地骨皮 一方
薄荷湯下無門冬 一方名人參散治婦人血熱虛
勞骨蒸兼治邪熱客於經絡痰嗽煩躁頭目昏痛夜
多盜汗補真氣解勞倦用人參白朮茯苓柴胡半夏
當歸赤芍藥乾葛甘草黃芩各等分哎咀每服四錢
水一盞半生薑五片棗二箇煎至六分不拘時候溫

服應有勞熱之證皆可服之熱退即止

子芩散

拔萃

涼心肺辭勞除熱使榮衛順血不絕

黃耆

一兩

白芍藥

子芩人參

白茯苓

麥門冬

去心

生乾地黄

各半兩

苦梗

二錢半

右為麤末先用竹葉一握小麥七十粒水一盞薑三

片煎至一盞半入藥末三錢重煎至七分去滓溫服

知母散

聖惠

治婦人熱勞體瘦壯熱四肢煩疼咽喉不

利少思飲食

知母

黃芩

各七錢半

柴胡

去苗

生乾地黃

各一兩

赤芍藥

麥門冬

去心

射干

川升麻

各七錢半

甘草

半兩炙微赤剉

右為麤散每服四錢水一中盞入生薑半分淡竹葉

二十七片同煎至六分去滓不計時候溫服

半夏散

大

治婦人熱勞煩渴口乾體瘦無力四肢疼

痛或時寒熱痰逆嘔吐不思飲食

半夏

知母

苦梗

人參

赤茯苓

秦朮

藥麥冬

各半兩

烏梅肉

兩

鼈甲

醋炙

北柴胡

各一兩

黃耆

大

腹皮

七錢半

甘草

二錢半

右為麤末每服四錢水一大盞半生薑三片煎至七

分去滓溫服無時

秦艽散

大

治血經有熱月脈凝滯五心煩倦

麥門冬

秦艽

各一兩

生地黃

當歸

各半兩

地骨皮

鬱

金

蘘朮

各二錢半

右為細末每服一錢半水一盃紅花少許同煎至七分溫服若經脈調不用紅花忌酒與熱物此方可服

一年

鼈甲地黃湯

補遺

治熱勞手足煩心怔忡悸悶婦人血

室有乾血身體羸不為肌肉

柴胡

去蘆

當歸

去蘆酒浸

麥門冬

去心

鼈甲

醋炙

石斛

白朮

熟

地黃

酒浸

茯苓

秦艽

去蘆各一兩

人參

肉桂

不見火

甘草

炙各半兩

右剉每服四錢薑四片烏梅半箇煎溫服

胡黃連散

聖惠

治婦人熱勞體瘦經脉不通四肢疼痛

口乾煩渴不得眠臥飲食全少

鼈甲

一兩半 醋炙
黃去裙襖

天靈蓋

醋炙
黃

柴胡

去蘆

生乾地黃 地

骨皮

黃耆

剉

川大黃

剉微炒

犀角屑

各一兩

胡黃連

當

歸青蒿

黃芩

各七錢半

赤芍藥

木香

麝香

細研入各半兩

右為粗末每服四錢以水一中盞入生薑一錢三分

菹柳心各七莖煎至六分去滓不拘時溫服

犀角散

聖惠

治婦人熱勞心胸煩熱不思飲食四肢多

疼經脉澀滯

犀角屑

黃芩

甘草

炙微赤剉各半兩

赤芍藥

虎杖

茯苓 地骨皮 麥門冬去心 當歸 枳殼麩炒黃

各七錢半 柴胡去苗 紅藍花 鱉甲醋炙黃去裙

右為粗散每服三錢以水一中盃入生薑半分煎至

六分去滓溫服無時

紅藍花散聖惠 治婦人熱勞四肢羸瘦經脉不通

柴胡一兩半去苗 紅藍花 當歸 生地黄 赤芍藥

鬼箭羽 虎杖 大腹皮剉 麥門冬去心 土瓜根

地骨皮 枳殼麩炒微黃去穰各一兩 甘草炙微赤

右為粗末每服四錢以水一中盃入生薑半分煎至六分去滓溫服無時

鼈甲散

聖惠

治婦人熱勞發渴壯熱四肢煩疼漸漸黃

瘦心胸躁悶

鼈甲

醋炙黃去裙襴

柴胡

去蘆各半兩

麥冬

去心一兩

知母

大黃

剉炒

地骨皮

赤芍人參

去蘆

黃芩

剉

黃耆

剉

桑白皮

各七錢半

甘草

炙微赤半兩

右為粗散每服四錢以水一中盃入生薑半分葱白五寸豉五十粒煎至六分去滓溫服無時

治婦人骨槽勞熱宮臟不調因感勞氣子母相傳邪氣

干心非時驚恐如人將捕戰慄不安

楊子建護命方

桑寄生

半兩

人參

茯苓

鼈甲

醋炙

柴胡

去苗

獨活

天靈蓋

酥炙
黑色

川芎

各二錢半

沈香

九分

木香

一錢二分半

右細杵羅為末每服三錢水一盃煎兩三沸急瀉出

空心去滓喫

豬肚丸

聖惠

治婦人熱勞羸瘦

北柴胡

赤苓

人參

黃耆

各一兩

黃連

三兩

地骨

皮 木香

各半兩

桃仁

鼈甲

各一兩半

右為細末用好嫩猪肚一枚淨洗將藥末入猪肚內以線縫合蒸令爛熟於砂盆內研如膏丸如梧桐子大食前粥飲下三十丸午食前再服

胡黃連丸

普濟

治婦人熱勞煩悶四肢黃瘦疼痛時有

咳嗽不欲飲

黃連

知母

升麻

玄參

人參

去蘆

當歸

甘草

炙微

赤 檳榔

桔梗

去蘆各半兩

赤芍

犀角屑

地骨皮

茯神

杏仁

湯浸去皮尖雙仁麩炒微黃

紫苑

洗去苗土

大黃

剉碎微炒

秦艽

去苗

枳殼

麩炒微黃去穰各七錢半

柴胡

去苗一兩

麥冬

去心焙一兩半

鼈甲

二兩醋炙黃去裙襴

右為末煉蜜和搗三二百杵丸如梧桐子大不計時

候以湯飲下三十丸

益母草煎丸

晉濟

治婦人熱勞煩悶四肢疼痛經脉滯

澀腹脇妨悶不欲飲食

益母草汁

一升青蒿

一升無灰酒

一升薑汁

三合童便

一升

已上五味於銀器中以慢火熬成膏

柴胡

去苗

麥冬

去心

赤芍

桃仁

湯浸去皮尖雙

仁

麩炒微黃

生地

鬼

箭羽

各一兩

鼈甲

二兩醋炙

人參

去蘆

琥珀

研細

地骨皮

白

朮

枳殼

麩炒微黃去穰

桔梗

去蘆

當歸

各七錢半

麝香

二錢半研細

右為末用前膏子和搗三二百杵丸如梧桐子大食

前以溫水下三十丸

青蒿丸

聖惠

治婦人熱勞咳嗽肌體消瘦心膈煩熱夜

多盜汗四肢疼痛食少無力

青蒿

杏仁

湯浸去皮尖雙

仁

麩炒微黃

天靈蓋

酥炙

鼈甲

醋炙黃去穰

麝香

各一兩半

天門冬

去心焙

紫胡

去苗

地骨皮

旋復花

紫苑

洗去苗土

貝母

人參

去蘆

秦朮

去頭

葳蕤

黃耆

大黃

劉微炒

枳殼

炒

微黃去穰各一兩

甘草

炙微赤劉七錢半

龍膽草

半兩

朱砂

一兩細研水飛

過

麝香

半兩細研

右為末入研了藥令勻煉蜜和搗三百杵如梧桐子大每以麥門冬湯下二十九不計時候

鼈甲丸

晉濟

治熱勞尤佳

河車

一具治法詳見後條

鼈甲

醋炙一兩

桔梗

白芍藥

大黃

煨

甘草 苦參 貝母 知母 秋石 豉心

草龍膽 黃藥子 莪朮 犀角屑 硝石

各半兩

右為末以前膏子為丸湯使如前

雞蘇丸

拔粹

治虛熱昏冒倦怠下虛上壅嗽血衄血

雞蘇葉

半兩

黃耆

苦梗

各半兩

防風

荊芥穗

生

乾地黄

各一兩

甘草

川芎

甘菊花

各二錢半

真腦子

半錢

右為細末煉蜜丸如彈子大每服一丸用麥門冬去

心煎湯嚼下又治肺損吐血日漸乏力瘦弱行步不
得喘嗽痰涎飲食不美或發寒熱小便赤澀加車前
子二錢半每服一丸煎桑枝湯嚼下日可六七服桑
枝剉炒香每用水三盃煎至一盃去滓下藥

療骨蒸熱五勞六極七傷諸證治已見雜病虛勞門茲
不贅叙婦人致此多因經行胎產或飲食起居七情重
傷肝脾之所致又或失於調攝或過於攻伐而成與男
子治法稍有不同故彙集古今禁方專治婦人者於此

若欲窮其源流更當稽之彼籍

補虛治瘵疾得效方河車丸

治勞嗽一切勞瘵虛損

骨蒸等疾

河車

一枚初生男者尤良長流水洗淨入磁器內重湯煮爛入藥

雲苓

半兩

揀參

一兩

山藥

二兩

右為細末入河車汁加麵糊為丸如梧桐子大以少麝香末為衣每服三五十丸米飲溫酒鹽湯送下空心服嗽甚者五味子湯下

十全大補湯

方見雜病虛勞

治氣血虛熱加柴胡地骨皮秦朮

補虛退熱潤燥黃耆丸

聖惠

治婦人骨蒸煩熱四肢羸

瘦疼痛口乾心躁不得眠卧

黃芪

麥冬

去心

茯神

北柴胡

甘草

生地

各一兩

棗

仁

炒

郁李仁

杏仁

去皮尖雙仁麩炒黃

枸杞子

人參

去蘆

黃芩

各七錢半

百合

枳殼

去穰麩炒

赤芍藥

知母

秦朮

各半

兩

鼈甲

二兩製

右為細末煉蜜為丸如梧桐子大清粥吞下三十丸

無時候

地黃煎丸

永類

解勞生肌進食活血養心

生地黃汁

杏仁汁

生薑汁

藕汁

各五升

薄荷

汁

鵝梨汁

各一升

法酒

二升

沙蜜

四升

右慢火熬成膏入後藥

北柴胡

三兩

木香

人參

茯苓

山藥

栢子仁

去皮炒研

遠志肉

枳實

製炒

白朮

各一兩

秦朮

苦梗

各二

兩

麝香

半兩研

熟地

洗焙酒蒸四兩

右細末以前膏和丸如梧子大食後甘草湯下三十九丸

攻補兼施人參散

昔濟

治婦人骨蒸勞身體壯熱手臂

疼痛月水不通日見瘦悴兩脅氣刺四肢羸弱腹內塊生時有咳嗽不欲飲食

人參

去蘆

鼈甲

醋炙黃去羶欄

柴胡

去苗

地骨皮

各三兩

羚羊角屑

赤苓

枳殼

麩炒微黃去穰

牛膝

去蘆

貝母

桔萸根

各二兩

知母

一兩半

赤芍

桃仁

湯浸去皮尖雙仁麩炒微黃各一兩

黃芩

當歸

各七錢半

右為細末每服半兩以豬豬肝一具用鹽醋葱白各少許和煮空心食之後飲溫酒二盞

赤茯苓散

聖惠

治婦人骨蒸及血勞等疾面色黃瘦

四肢無力煩疼痰壅涕唾稠粘不思飲食

鼈甲

製如前
二兩

赤苓

柴胡

去苗

麥冬

去心
劉碎微炒各一

兩

人參

去蘆

木香

桃仁

製如前

白朮

瞿麥

赤芍

藥

當歸

半夏

湯洗七遍去
滑各七錢半

右為粗末每服四錢以水一中盞入生薑半分煎至

六分去滓溫服無時

攻積天門冬丸

大

治伏連傳注腹中有堅硬積氣壅

心胸作痺痛引脇背腕膈滿悶

鬼白

天冬

去心各七錢半

巴豆芥草

皂角

不蛙

葉子雄黃

各一兩

右為細末煉蜜為丸如小豆大每服一丸漸加至三

十丸空心湯水吞下臨卧一服常宜斟酌勿令泄瀉

忌鯉魚山豬蘆荀

破血劫痰麥煎散

永類

治少男室女骨蒸婦人血風攻

症四肢心胸煩壅

赤茯苓

當歸

乾膝

生

鼈甲

醋炙

常山

大黃

煨

北柴胡 白朮 石膏 生乾地黃 甘草

各一兩半

右為細末每服二錢水一盞小麥五十粒煎食後臨

卧臥溫服有虛汗加麻黃根一兩東坡云在黃州療

骨蒸黃瘦口臭肌熱盜汗極效寶此方如希世之珍

通經破血牡丹湯 普濟 治婦人骨蒸經脉不通漸增瘦弱

牡丹皮 一兩半 桂 去麋皮 木通 拌炒各一兩 芍藥 土瓜

根 各一兩半 鼈甲 醋炙去裙襖二兩 桃仁 製如一兩

右粗搗篩每服五錢水一盃半煎至一盃去滓溫服

空心食後

鼈甲丸

聖惠

治婦人骨蒸勞月水不通脇下癥癖往往

腹痛

鼈甲

二兩醋炙黃

土瓜根

桂心

京三稜

牡丹皮牛

膝

去苗

川大黃

劉碎微炒

訶梨勒皮

琥珀

各一兩細研

桃仁

製一兩

右為末煉蜜和搗三二百杵丸如梧桐子大不計時
候以桃仁湯下三十丸

清肺柴胡散

聖惠

治婦人骨蒸勞熱嗽胸膈痰壅腹

脇妨悶不欲飲食

柴胡

去苗

桑白皮

麥冬

去心

赤苓

各一兩

大黃

剉碎

枳殼

麩炒

去穢

百合

秦艽

去苗

紫苑

洗

黃芩

赤芍

知母

木通

剉各六錢半

半夏

湯洗七遍去滑

甘草

炙微赤各半兩

鼈甲

醋炙二兩

右為粗散每服三錢以水一中盃入生薑一錢三分煎至六分去滓溫服無時

涼劑黃連散

聖惠

治婦人骨蒸勞熱四體昏沈背轉疼

痛面色痿黃漸漸無力

黃連

去鬚

知母

各一兩

鼈甲

醋炙二兩

柴胡

各一兩

木通

各一兩

麥冬

去心

白朮

地骨皮

黃芩

犀角屑

各七錢半

龍膽

去蘆

甘草

炙微赤

各半兩

右為粗散每服四錢以水一中盞生薑一錢大淡竹

葉二七片煎至六分去滓溫服無時

青蒿散

聖惠

治婦人骨蒸勞熱四肢煩疼日漸羸瘦

青蒿

鼈甲

醋炙各二兩

柴胡

去苗一兩半

黃連

去鬚

黃耆

桑根白皮

白朮

各一兩

梔子仁

各七錢半

知母

地骨

皮

甘草

炙微赤

龍膽草

去蘆二錢半

右為粗散每服四錢以水一中盃入生薑一錢三分煎至六分去滓溫服無時

豬肚丸

永類

治骨蒸勞唇頰赤氣粗口乾壯熱虛汗大

腸秘澀小便赤黃減食

青蒿 鼈甲

醋炙

北柴胡

木香

生地

各一兩

青皮

半兩

宣連

二兩

右為細末以豬肚一箇洗淨入藥在內縛定蒸令極軟研如泥為丸如菉豆大湯下十五丸空心日三服忌濕麪毒物

石膏散

靈苑

治婦人骨蒸外寒內熱附骨蒸盛之時四

肢微瘦足趺腫者病在臟腑中真石膏不以多少

研極細每用新汲水和服方寸匕取身無熱為度

此方非實熱能食大便實者不可服

寒熱並用青蒿鼈甲煎丸

聖濟

治婦人骨蒸勞退熱解

肌進食

九肋鼈甲

一箇

北柴胡

二兩

甘草

杏仁桔梗

當

歸人參

地骨皮

赤芍藥

各一兩

胡黃連

宣

連

各二錢半

官桂

木香

各半兩

麝香

一字

蜜

各一兩

右為細末用青蒿一觔童子小便五升好酒一升熬青蒿汁約二升已來攙去青蒿不用入酥蜜再熬成膏令後入藥末搜和為丸如梧桐子大每服十五丸溫酒下米飲亦得日三服如秋後合再入挑柳枝七莖此藥甚妙即局方人參鼈甲丸也

傳尸天靈蓋散

聖惠

治婦人骨蒸勞四肢無力每至晚

間即熱兩頰紅色飲食不下心神煩躁

天靈蓋

炙酥

安息香

地骨皮

當歸

人參

去蘆

梔子仁

貝母

去心

黃連

桃仁

去皮尖雙仁麩炒黃

檳榔

各一

兩
鼈甲

醋炙

北柴胡

生乾地黄

赤茯苓

麥門

冬

各一兩半

阿魏

兩半

右為粗末以童子小便一大盞桃柳枝各七寸薑五片葱白五寸藥四錢煎至七分去滓溫服

益母草丸

普濟

治婦人骨蒸勞瘦月候不通心神煩熱

四肢疼痛不能飲食

益母草 青蒿

各二

桃枝

一握長一尺

柳枝

一握長一尺

已上四味細剉用童子小便一斗於銀鍋中煎至

三升絞去滓煎成膏

柴胡

去苗

赤芍

犀角屑

各二兩

朱砂

一兩細研末飛過

天靈蓋

炙酥

微黃

木香

甘草

炙微赤各一兩

鼈甲

三兩製

桃仁

五兩製淨

麝香

半兩細研

右為末用益母草煎都和搗五百杵丸如梧桐子

大每以烏梅百草湯下三十丸無時

獺肝丸

聖惠

治婦人骨蒸勞熱體瘦煩疼不欲飲食

獺肝

一具

鼈甲

醋炙

北柴胡

各一兩半

川升麻

桃仁

製天

天

靈蓋

酥炙

犀角屑

梔子仁

地骨皮

知母

各一兩

黃耆

七錢半

甘草

麝香

二錢半研

朱砂

一兩細研水飛

右為細末煉蜜丸如梧桐子大溫水下三十丸無時

殺鬼方

聖惠

治婦人骨蒸傳尸勞瘦鬼氣伏連

麝香

七錢半

犀角屑

木香

白朮

鬼箭羽

各一兩

虎頭骨

酥炙黃色

天靈蓋

醋炙黃

桃仁

去皮尖雙仁麩炒黃

雄黃

另研

硃砂

光明者另研各一兩半

右為細末入研了藥和勻煉蜜丸如梧桐子大溫水
下二十九此藥辟瘟疫亦可帶

止嗽溫金散

永類

治勞嗽

甘草 黃芩

桑白皮

防風

各一兩

杏仁

二十七枚製

人參 茯苓

各半兩

麥門冬

一分

右前五味以米泔浸一宿曬乾次入人參茯苓麥門冬
三味同為細末每服二錢水一杯蠟一豆大煎八分
食後溫服

一方永類

調榮衛消瘀血出聲音治痰嗽

當歸 牡丹皮 白芍 子芩 木通 麥門冬

甘草

細辛

各半兩

生乾地黄

一兩

右㕮咀每服三錢薑三片水煎溫服

一方

永類

治肌瘦咯血肺痿等疾

蛤蚧

一雙全者酒浸一宿酥炙

知母

貝母

去心

人參

甘草

杏仁

製炒

枇杷葉

去毛炒

鹿角膠

炒各一兩

右為細末每服三錢水一盞入桑白皮溫服

補肺湯

永類

治勞嗽

桑白皮

熟地

各二兩

人參

紫苑

黃耆

五味子

各一兩

右為細末每服二錢水一盞入蜜少許食後溫服

四君子湯加秦艽黃蠟煎服尤妙

治胸痺一方

永類

治心胸積氣作胸痺引兩脇痛昏悶

不收音聲不清虛熱上壅作鼻衄

桑白皮

三分

枳殼

木通

子苓

生乾地黃

白

芍藥

甘草

各半兩

右為末每服三錢水煎食後溫服

一方

永類

治伏瘀血在心肺時作衄心胸徹背痛

白芍藥

牡丹皮

各一兩

生犀屑

半兩

生地黃

三兩別搥

右㕮咀每服半兩水煎溫服

瓜蒌湯

永類

治胸痺

瓜蒌

一箇

枳殼

四枚

厚朴

薤白

各一兩

桂枝

一兩有熱者除

右㕮咀水煎溫服

一方

永類

治積氣堅硬作氣噎胸脇引背痛

白芍藥

半一兩

鼈甲

炙醋

枳殼製

北柴胡

各一兩

甘草

赤茯苓

各兩半

右呖咀每服三錢生薑三片棗一枚水煎溫服

出音聲一方

永類

治失聲音

訶子肉

木通

各一兩

甘草

半兩

右呖咀水三升煎至升半入生地黃一合再煎數沸

放溫分六服 食後日作半料

治喉痛一方

永類

咽喉痛

百藥煎

去黑皮

礪砂

甘草

生白礬

各等分

右為細末每服一錢食後米飲調細細呷嚥 以上
諸方辰陽李倅傳屢救人甚効服藥止可食淡煮豬
蹄肉仍須煮熟肉去元汁再以白湯熟煮仍忌房勞
生冷魚腥鹹醃藏等修合前藥忌一切生人男女猫
犬雞畜見仍不令病人知藥味大應効

血風勞大婦人血風勞證因氣血素虛經候不調或外
傷風邪內挾宿冷致使陰陽不和經絡痞澀腹中堅痛

四肢痠疼月水或斷或來面色痿黃羸瘦又有因產後
未滿百日不謹將護臟腑虛損百脈枯竭遂致勞損久
不瘥則變寒熱休作有時飲食減少肌膚瘦瘁遇經水
當至即頭目昏眩胸背拘急四肢疼痛身體煩熱足重
面浮或經水不通故謂之血風勞氣也 薛東垣云喜
怒不節起居不時有所勞傷皆損其氣氣衰則火旺火
旺則乘其脾土脾主四肢故困熱懶言動作喘乏表熱
自汗心煩不安當病之時宜安心靜坐存養其氣以甘

寒瀉其熱氣以酸味收其散氣以甘溫補其中氣經言
勞者溫之損者溫之要略云平人脉大為勞以黃耆建
中湯治之 一婦人勞則足跟熱痛此足三陰血虛用
聖愈湯而痊後徧身癢養誤服風藥發熱抽搐肝脉洪
數此肝家血虛火盛而生風以天竺黃膽星為丸用四
物麥門五味苓連炙甘草山梔柴胡煎送而瘉 一婦
素清苦勤於女工因感風邪自用表散之劑反朝寒暮
熱自汗盜汗形氣虛甚其脉或浮洪或微細其面或青

白或痿黃此邪去而氣血愈虛也用十全大補湯三十餘劑漸愈又用加味逍遙散兼治半載而痊

人參荊芥散

大全良方

治婦人血風發熱身體疼痛頭昏

目澀心忪煩倦寒熱盜汗頰赤口乾痰嗽胸滿精神不爽或月水不調臍腹疔痛瘰癧塊硬疼痛發渴或時嘔逆飲食不進或因產將理失節淹延瘦瘠乍起乍卧甚即著床

人參

荊芥穗

生乾地黄

北柴胡

鼈甲

醋炙

酸棗仁

炒

枳殼

製

羚羊角

別

白朮

各七錢半

桂心

甘

草防風川芎

當歸

各半兩

右為粗末每服五錢水一盞半生薑三錢煎至八分

去滓熱服無時

地骨皮散

良方大全

治婦人血氣體虛弱寒熱發渴

地骨皮桑白皮枳殼

前胡

黃耆

各一錢半

白茯苓

苓五加皮白芍藥

人參

各一錢

柴胡

二錢

官桂

甘草

各半錢

右作一服水二鍾生薑三片煎至一鍾不拘時服

地黃煎

大全良方

治婦人血風勞心忪發熱不退

生地黃

熟乾地黃

右等分為細末用生薑自然汁和水打糊為丸如梧桐子大每服三十九用地黃湯下或只茶酒醋湯下亦可食後日三服覺臟腑虛冷早間先服八味丸一服不可謂地黃性冷沮洳壞脾大槩陰虛則發熱蓋地黃大能補陰益陰血退熱也

薛云前方肝脾血虛發熱內熱晡熱盜汗作渴體倦

筋骨疼痛筋脉拘攣血虛發躁虛熱生痰咳嗽之良劑若因肝脾腎精血燥熱生痰胸膈痞滿喘咳作渴及一切虛火證必用六味丸為主

乞力伽散

大全良方

治血虛肌熱又治小兒脾虛蒸熱羸

瘦不能飲食

白朮 白芍藥 白茯苓

各一兩

甘草

半兩

右為細末薑棗煎三錢服

大効油煎方

大全良方

治血風勞氣攻症四肢腰背疼痛

嘔逆醋心不思飲食日漸羸瘦面色痿黃手足麻痺
血海冷敗神效

五加皮

川烏

炮

芍藥

海桐皮

牡丹皮

各一兩

桂

心

乾薑

川芎

各半兩

右為細末每服二錢水一盞生麻油浸錢一文同煎至六
分溫服常服以油浸二錢煎藥時不可攪吃藥時不可吹

治血風勞方

大全良方

牡丹皮

地骨皮

防風

甘草

黑豆

白芷

白芍藥

各一兩

荊芥穗

二兩

川芎

二錢半

右為細末每服二錢水一中盞薑三片棗一箇葱白

一寸煎至八分溫服無時

馬鞭草散

大全良方

治血風攻透肢體疼痛或覺瘙癢或

覺痺麻作寒作熱飲食減味

馬鞭草

去梗

荊芥穗

北柴胡

烏梅肉

各二兩

枳

殼白朮

羌活

白芍藥

各一兩

秦艽

天台烏

藥麻黃

各一兩半

木香

半兩

當歸

川烏

炮

甘草

各一兩

右為細末每服三錢水一盞生薑三片棗一枚蔥白

二寸煎至七分日午臨臥溫服常服無忌有孕弗服

琥珀散

聖惠

治婦人血風勞氣臍腹疼痛經脈不調漸

加羸瘦

琥珀

細研

白朮

當歸

桃仁

去皮尖
麩炒

赤芍

各七錢半

柴胡

去苗

鼈甲

醋炙各
一兩

延胡索

紅花子

牡丹皮

桂心

各半兩

右為散每服四錢水一中盞入生薑半片煎至六分

去滓食前稍熱服

茯神散

聖惠

治婦人血風勞氣頭目赤胸背氣壅四肢

疼痛心煩驚悸少欲飲食

柴胡

去苗

石膏

各二兩

茯神

羚羊角

防風

去蘆

赤芍

人參

去蘆

天冬

去心

獨活

郁李仁

去皮微炒

乾生地

枳殼

麩炒去穰各一兩

甘草

炙半兩

桃仁

湯浸去皮尖雙仁麩炒黃研如泥一兩半

右為散每服四錢以水一中盞入生薑半分煎至六

分去滓溫服無時

逍遙散

神巧萬金方

治血風勞解五心煩躁心多怔忡恍

忽憂懼頭目昏重夜多盜汗

人參

白茯苓

去皮

柴胡

去苗

白朮

炒

黃芪

右等分為散每服三錢入甘草一寸同煎至六分溫

服

熟乾地黄散

神巧萬金方

治婦人血風勞冷氣攻心腹疼

痛四肢不和食漸少日漸羸瘦

熟乾地黄

柴胡

黃耆

蒼朮

牛膝

去苗各一兩

鼈

甲

醋炙黃二兩

白芍藥

當歸

薑黃

琥珀

厚朴

去皮

薑汁 塗炙 川芎 陳橘皮 去白各 木香 桂心 羌活 各半
七錢半 兩

右為散每服四錢以水一中盞生薑半分煎至六分

熱服

琥珀丸

博濟方

治血風虛勞上熱下冷或發動即心中

煩躁困乏無力不美飲食醋心口瘡月水不調肌肉

黃瘁腹痛腸鳴或有氣塊攻衝或時作寒熱頭旋痰

逆手足麻痺大宜常服

琥珀 當歸 木香 川芎 防風 檳榔 各一 三稜 炮

乾薑

炮

桂心

各一兩
二錢半

吳白朮

洗

柴胡

人參

各半兩

青皮

吳茱萸

洗
泡

金蝎

炒

附子

炮

草豆蔻

赤芍

栝葉

白芷

天麻

各七錢半

桃仁

去皮尖
麤炒

敗龜甲

醋炙

鼈甲

醋炙各一兩半

右為細末煉蜜丸如梧桐子大每日空心酒下二十

丸午前近晚更進一服如覺煖近晚不須服如腹內

塊積攻築於鼈甲桃仁檳榔三棱各加一倍為妙忌

生冷葱薤菜毒魚等物

鼈甲丸

大全良方

治婦人血風勞氣四肢羸瘦疼痛經脉不

不利飲食無味漸加虛困

鼈甲 紫苑 桂心 川芎 防風 川牛膝

當歸 秦朮 人參 桃仁 琥珀 各一兩 黃耆

赤芍藥 蟲蟲製 水蛭製 鬼箭羽 白朮 羌活

各七錢 熟地黄一兩半 麝香二錢半

右為細末煉蜜丸如梧桐子大空心食前溫酒下三

十九

牡丹丸 聖濟總錄

治婦人血風勞氣氣塊攻心日漸黃瘦

經脉不行

牡丹皮

郁李仁

湯浸去皮
各二兩

芍藥

當歸

芎藭

桂心

苦參

大黃

醋炙各
一兩

貝母

半兩

右細末煉蜜丸如梧子大每服二十九丸食前溫酒下日二

柴胡丸

聖濟

治婦人血風勞氣頭目昏眩胸背拘急四

肢痠痛心躁煩熱氣滿腹脹腰膝無力經脉不調

柴胡

去苗

黃連

去鬚

知母

焙

赤芍藥

龍膽

黃芩

去苗

地骨皮

麥門冬

去心
焙

茯神

去木

甘草

炙各
一兩

檳榔

七錢

半

右為末煉蜜丸如梧桐子大每服二十九丸溫酒下無

時

客熱

大客熱者因體虛而將溫過度外熱加之非臟腑自生故云客熱其狀上焦胸膈之間虛熱口燥心煩手足壯熱者是也薛前證若客邪所侵用補中益氣加川芎防風肝虛血少六味地黃丸胃火飲冷錢氏瀉黃散

胃虛飲湯七味白朮散 潮熱時熱八珍湯 晡熱

內熱逍遙散 發熱體倦補中益氣湯 恚怒發熱小

柴胡湯 鬱怒發熱加味歸脾湯 寅卯酉戌時熱升

陽益陰湯

大麥門冬散 治婦人客熱四肢煩悶疼痛飲食不下

揀麥門冬 赤茯苓 赤芍藥 柴胡各一錢半 桑白

皮 生地黃 黃耆 羚羊角屑各一錢 甘草半錢

右作一服水二鍾生薑三片煎至一鍾不拘時服

犀角散 治婦人客熱四肢煩悶疼痛飲食不下

犀角屑 赤芍藥 地骨皮 赤茯苓 紅花 人

參 枳殼 麥門冬 各一錢 柴胡 二錢 黃耆 二錢 甘草 半錢

右作一服水二鍾生薑三片煎至一鍾不拘時服

黃耆飲 治婦人客熱心胸壅悶肢節煩疼不思飲食

嫩黃耆 生地黄 各二錢 人參 茯苓 炒 犀角屑

瓜蒌仁 黃芩 各一錢 甘草 半錢

右作一服水二鍾淡竹葉五片煎至一鍾不拘時服

丹砂散 治婦人客熱心神煩躁口乾舌澀飲食無味

辰丹砂

一兩細研
水飛過

犀角屑

天竺黃

胡黃連

各半

兩麥門冬

去心焙
二兩

寒水石

細研

馬牙硝

細研各
一分

鉛霜

半兩
細研

右為細末入研了藥和勻每以竹葉湯調下一錢無

時

玉霜散 治婦人客熱煩渴頭痛痰湧如泉

石膏

二兩細研
水飛過

寒水石

一兩
細研

右和勻每以生地黄汁調下一錢無時

生乾地黄丸 治婦人客熱面赤頭疼口舌生瘡心胸

煩壅飲食無味

生乾地黄

一兩

羚羊角屑

白蘚皮

葳蕤

各半兩

黃

連

去鬚七錢半

黃耆

炙微赤半兩

麥門冬

二兩去心焙

玄參

犀

角屑

地骨皮

甘草

炙微赤各半兩

川大黃

一兩

右為細末煉蜜和搗二三百杵丸如梧桐子大每以

溫水下三十丸無時

敗毒散 治婦人客熱四肢煩悶疼痛不思飲食甚者

可加地骨皮黃芩

方見雜病傷濕

寒熱

師尼寡婦附

大經曰陽不足則先寒後熱陰不足則先熱後寒皆由勞傷氣血陰陽不調寒熱如瘧也當分氣血虛實而治之 薛前症若寸口脈微名曰陽不足則陰氣上入於陽中用補中益氣湯若尺部脈弱名曰陰不足則陽氣下陷入陰中用益陰腎氣丸若因血氣俱虛用八珍湯

若因怒動肝火用小柴胡湯若陰陽俱不足則氣血不
歸其本部以至寒熱交爭也一婦人年六十有四久鬱
怒頭痛寒熱春間乳內時痛服流氣飲之類益甚時有
血如經行又大驚恐飲食不進夜寐不寧兩乳腫脹兩
脇焮痛午後色赤余以為肝脾鬱怒火燥先以逍遙散
加酒炒黑龍膽一錢山梔一錢五分服二劑腫痛頓愈
大地骨皮散 治血風氣虛時作寒熱或晡熱內熱

紫胡

地骨皮

錢各一

桑白皮

炒

枳殼

炒

前胡

黃

耆

炒各七錢五分

白茯苓

五加皮

人參

甘草

桂

心

白芍藥

各半兩

右咬咀每服三五錢水一盞半生薑三片煎至七分

溫服

生地黄散 治婦人血氣不調或時寒熱體痛不思飲食

生乾地黄

北柴胡

各一兩

羌活

木香

桂心

防風

各半兩

酸棗仁

炒研

羚羊角屑

白芍藥

白

朮

黃耆

川牛膝

白茯苓

當歸

枳殼

各七

錢五

分

右咬咀每服三五錢水一盞薑三片煎至七分去滓
空心溫服

異功散 治婦人血氣虛冷時發刺痛頭目昏悶四肢
無力寒熱往來狀似勞倦並宜服之

烏藥 川芎 苦梗 玄胡索 當歸 陳皮 各一

錢半 官桂 牡丹皮 芍藥 白芷 乾薑 各一

錢

右作一服用水二鍾生薑三片煎至一鍾入酒半盞

再煎一二沸不拘時

右三方内有桂唯寒多者宜之第三方無滯氣汚血
尤不宜服

七寶湯 治寒熱往來

防風

去蘆

知母

生地

各半兩

柴胡

去蘆

秦艽

甘草

炙

前胡

去蘆各二錢半

右咬咀每服五錢水盞半加入參三分煎至七分熱服

柴胡散 治婦人寒熱體瘦肢節疼痛口乾心煩不欲飲食

北柴胡

赤茯苓

黃耆

白朮

各一錢

麥門冬

三錢

鼈甲

醋炙二錢

人參

地骨皮

枳殼

麩炒

生地黄

桑

白皮

赤芍藥

桔梗

甘草

各半錢

右作一服水二鍾生薑三片煎至一鍾不拘時服

桃仁丸

治婦人頭目昏重心神煩悶或時寒熱肢節

疼痛不欲飲食

桃仁

湯浸去皮尖雙仁麩炒微黃

芎藭

白朮

柴胡

去苗

人參

去蘆生地黄

酸棗仁

微炒各一兩

赤茯苓

訶黎勒皮

各七
錢半 枳殼

麩炒微
黃去穰

赤芍藥

各半
兩

右為末煉蜜和搗三二百杵丸如梧桐子大每以生薑荊芥薄荷湯下三十丸

青蒿散 治男子婦人肢體倦疼虛勞寒熱用青蒿八九月間將成實時採去枝梗以蒿用童便浸三日曬乾為末每服二錢烏梅一箇煎七分服 右三方熱多者宜之

師尼寡婦異乎妻妾之治羅劉宋褚澄療師尼寡婦別製方者盖有謂也此二種寡居獨陰無陽慾心萌而多

不遂是以陰陽交爭乍寒乍熱全類溫瘧久則為勞瘵
讀史記倉公傳載濟北王侍人韓女病腰背痛寒熱衆
醫皆以為寒熱病治之不瘥倉公曰此病得之欲男子
不可得也衆曰何以知欲男子不可得倉公曰診其脉
肝脈弦出寸口是以知之蓋男子以精為主婦人以血
為主男子精盛以思室婦人血盛以懷胎夫肝攝血者
也是厥陰肝脈弦出寸口上魚際則陰盛可知故知褚
氏之言信有謂矣

大師尼寡婦與室女出嫁愆期者多因欲心萌而未遂
懣懣成病下寒下熱久則為勞又有經閉白淫痰逆頭
風膈氣痞悶面黧瘦瘠等證皆寡婦之病也 薛前證

若肝脉弦出魚際用小柴胡加生地黃送下生地黃丸
久而血虛佐以四物湯 若兼怒動肝火而寒熱者佐
以加味道遥散 若兼虧損肝經而寒熱者佐以八珍

湯 若兼虧損元氣而寒熱者佐以補中益氣湯 若
兼鬱傷脾氣而寒熱者佐以濟生歸脾湯 一婦人因

夫經商久不歸發寒熱月經旬日方止服降火涼血藥
反潮熱內熱自汗盜汗月經頻數余曰熱汗氣血虛也
經頻肝脾虛也用歸脾湯六味丸而愈嘗治葉證既愈
而寒熱不衰當仍用本證藥一婦人年三十有七早
孀居兩腿骨作痛晡熱體倦月經不調或發寒熱數年
矣一日頸項兩側結核兩脇脹痛此係肝經鬱火而成
也先用小柴胡湯合四物數劑肝症頓愈又用加味道
遙散加澤蘭乳香沒藥三十劑血症漸愈再用加味歸

脾湯年餘而安 一孀婦兩腿作痛或用除濕化痰等藥
遍身作痛而無定處此血症也不信乃服流氣飲之類而
歿 一放出宮人年四十餘臀腿內股作痛晡熱口乾
月經不調此係肝經血少不能養經絡而然也宜加味
逍遙散加澤蘭葉五十帖諸症稍緩又以歸脾湯二百
餘劑而痊 一放出宮人臀腿腫痛內熱晡熱惡寒體
倦咳嗽胸痞月經過期而少彼以為氣毒流注服清熱
理氣之劑益甚此肝經瘀血停留所致蓋肝經上貫鬲

布脇肋循喉嚨下循膈內臛繞陰器抵少腹主治之法
但當補其所不勝而制其所勝補者脾也制者肝也經
曰虛即補之實即瀉之此定法也彼不信仍服前藥遂
致不起

本生地黃丸

許學士治一尼患惡風體倦乍寒乍熱

面赤心悸或時自汗是時疫氣大行醫見其寒熱作
傷寒治之用大小柴胡湯雜進數日病急召予診之
三部無寒邪脈但厥陰弦長而上魚際宜服抑陰等

藥故製此方

生地黃

兩

柴胡

秦艽

黃芩

各半兩

芍藥

一兩

右為細末煉蜜丸如桐子大每服三十九丸用烏梅湯吞下日三服不拘時

惡寒

大婦人惡寒者亦有陰陽二證發熱而惡寒者發於陽也無熱而惡寒者發於陰也發於陽者宜解表脉必浮數發於陰者宜溫裏脉必沈細又有汗後利後惡寒及

背惡寒已上疾證方治並載百問不復繁引僕嘗治一婦人但惡寒別無他証六脉平靜遂用敗毒散而安此藥能去表中風邪故也經云惡寒家慎不可過當覆衣被及近火氣寒熱相薄脈道沈伏愈令病人寒不可遏但去被撤火兼以和表之藥自然不惡寒矣婦人惡寒尤不可近火寒氣入腹血室結聚針藥所不能治矣

薛前證若怠惰嗜臥洒淅惡寒乃陽不能升發用升陽益胃湯若勞傷形氣而惡寒乃無陽以護衛用補中益

氣湯若飲食傷脾胃而惡寒乃元氣虛損用六君子湯若
加煩躁妄言或欲飲水仍進前劑但加薑桂若體倦煩
渴頭痛自汗用補中益氣湯加五味麥門東垣云晝則
發熱惡寒是陰氣上溢於陽分也夜則惡寒是陰血自
旺於陰分也海藏云六月大熱之氣反得大寒之證當
捨時從證治以薑桂之類丹溪云久病惡寒乃痰鬱於
脾抑遏陽氣不得外泄治當解鬱

證治準繩卷五十八